

PEMILIHAN KERJAYA DI KALANGAN PELAJAR ALIRAN
PERDAGANGAN SEKOLAH MERENGGAH TEKNIK :
SATU KAJIAN KES



PTT UTHM
NORHASYILA BINTI MINHAT
PERPUSTAKAAN TUNKU TUN ABDUL RAHMAN

KOLEJ UNIVERSITI TEKNOLOGI TUN HUSSEIN ONN

PERPUSTAKAAN KUI TTHO



3 0000 00085473 1

CN 54599

PTTA UTHM
PERPUSTAKAAN TUNKU TUN AMINAH



KOLEJ UNIVERSITI TEKNOLOGI TUN HUSSEIN ONN

BORANG PENGESAHAN STATUS PROJEK SARJANA*

JUDUL : PEMILIHAN KERJAYA DI KALANGAN PELAJAR ALIRAN :
PERDAGANGAN SEKOLAH MENENGAH TEKNIK : SATU KAJIAN KES.

SESI PENGAJIAN : 2003/2004

Saya NORHASYILA BINTI MINHAT (801015-01-6030)
(HURUF BESAR)

mengaku membenarkan tesis (PSM/Sarjana/Doktor Falsafah)* ini disimpan di Perpustakaan KUITTHO dengan syarat-syarat kegunaan seperti berikut:

1. Tesis adalah hak milik Kolej Universiti Teknologi Tun Hussein Onn.
2. Perpustakaan dibenarkan membuat salinan untuk tujuan pengajian sahaja.
3. Perpustakaan dibenarkan membuat salinan tesis ini sebagai bahan pertukaran antara institusi pengajian tinggi.
4. ** Sila tandakan (✓)

SULIT

TERHAD

TIDAK TERHAD

(Mengandungi maklumat yang berdarjah keselamatan atau kepentingan Malaysia seperti yang termaktub di dalam AKTA RAHSIA RASMI 1972)

(Mengandungi maklumat TERHAD yang telah ditentukan oleh organisasi/badan di mana penyelidikan dijalankan)

(TANDATANGAN PENULIS)

(TANDATANGAN PENYELIA)

Alamat Tetap :

34-04-07 FLAT SRI MELAKA,
KM 6, JALAN CHERAS,
56100 KUALA LUMPUR.

TN. HJ. MD. YUSOF BIN JAMAR @ JAMIL

Nama Penyelia

Tarikh : 26/02/2004

Tarikh : 26-2-2004

CATATAN :

- * Potong yang tidak berkenaan.
- ** Jika tesis ini SULIT atau TERHAD, sila lampirkan surat daripada pihak berkuasa/organisasi berkenaan dengan menyatakan sekali sebab dan tempoh tesis ini perlu dikelaskan sebagai SULIT atau TERHAD.
- ◆ Tesis dimaksudkan sebagai tesis bagi Ijazah Doktor Falsafah dan Sarjana secara

“Saya akui bahawa saya telah membaca karya ini dan pada pandangan saya karya ini
adalah memadai dari segi skop dan kualiti untuk tujuan penganugerahan Ijazah
Sarjana Pendidikan Teknik dan Vokasional”.



PTTA UITHM
PERPUSTAKAAN SULTAN TUN AMINAH

Tandatangan :
Nama Penyelia : TN. HJ. MD. YUSOF JAMAR @ JAMIL
Tarikh : MAC 2004

**PEMILIHAN KERJAYA DI KALANGAN PELAJAR ALIRAN
PERDAGANGAN SEKOLAH MENENGAH TEKNIK : SATU KAJIAN KES**

NORHASYILA BINTI MINHAT

Laporan projek ini dikemukakan sebagai memenuhi sebahagian daripada syarat
penganugerahan Ijazah Sarjana Pendidikan Teknik dan Vokasional

Jabatan Pendidikan Teknik dan Vokasional

Fakulti Teknologi Kejuruteraan

Kolej Universiti Teknologi Tun Hussien Onn



PTTAUTHM
PERPUSTAKAAN TUNKU TUN AMINAH

MAC 2004

“Saya akui karya ini adalah hasil kerja saya sendiri kecuali nukilan dan ringkasan yang tiap-tiap satunya telah saya jelaskan sumbernya”.

Tandatangan :
Nama Penulis : NORHASYILA BINTI MINHAT
Tarikh : MAC 2004



PTT AUTM
PERPUSTAKAAN TUNKU TUN AMINAH

Istimewa Buat Abah Dan Emak Yang Tersayang

Minhat Bin Mohamad Elah dan Zainab Binti Mohamad

Segala pengorbanan, nasihat dan kasih sayang yang dicurahkan tanpa rasa jemu tidak
dapat dibalas buat selama-lamanya. Semoga Allah s.w.t. melindungi dan merauhmati
hidup kalian buat selama-lamanya

Buat Along Dan Adik-Adik Yang Dikasihi

Abang Azman, Fara Dan Mira

Terima kasih di atas segala sokongan, dorongan, bantuan dan kasih sayang yang diberi.

Semoga kalian akan terus berjaya!

Buat Rakan Seperjuangan Yang Banyak Membantu Secara Langsung Dan Tidak

Langsung

Liza, Siti, Ani, dan Nurul serta rakan-rakan yang lain

Terima kasih atas segalanya.....



PTTA UTHM
PERPUSTAKAAN TUNKU TUN AMINAH

PENGHARGAAN

Syukur Alhamdulillah, dengan rahmat dan keizinan-Nya, serta berkat dan sokongan pelbagai pihak, akhirnya saya dapat menyiapkan dan menyempurnakan projek sarjana ini.

Pada kesempatan ini, saya ingin merakamkan setinggi-tinggi penghargaan dan jutaan ucapan terima kasih kepada penyelia kajian ini, Tn. Hj. Yusof Bin Jamar di atas segala tunjuk ajar dan dorongan yang telah diberikan sepanjang menyiapkan kajian ini.

Tidak lupa juga kepada pihak Sekolah Menengah Teknik Kajang, Selangor di atas kerjasama yang diberikan dalam menjayakan penyelidikan ini. Ucapan jutaan terima kasih ditujukan kepada kaunselor sekolah dan pelajar-pelajar tingkatan empat aliran perdagangan kelas 4 PERD. Cekal dan 4 PERD. Usaha.

Seterusnya, terima kasih diucapkan kepada semua pihak yang terlibat secara langsung atau tidak langsung di dalam menjayakan penyelidikan ini. Semoga sumbangan dan jasa baik kalian mendapat rahmat dari-Nya. InsyaAllah.



ABSTRACT

This research is a survey to determine the career chosen of form four student in commerce streams. The important aspect of the career chosen has been divided into three, first is information about career, type of career and factor that most influence students in choosing a career. The study was conducted at Sekolah Menengah Teknik Kajang, Selangor Darul Ehsan. Thirty six form four students was chosen by using non-random sampling purpose method as respondent. All information was gather by using questionnaire. Data collected has been analyzed in form of frequency, percentage and mean. Results are performed in table and graph. The finding show that information about career have been improved in students career chosen and mass media is the main factor influencing students in choosing their career.



PERPUSTAKAAN TUNKU TUN AMINAH

ISI KANDUGAN

BAB	PERKARA	MUKA SURAT
	BORANG PENYERAHAN TESIS	
	HALAMAN PENGESAHAN PENYELIA	
	HALAMAN JUDUL	i
	HALAMAN PENGAKUAN PENULIS	ii
	HALAMAN DEDIKASI	iii
	HALAMAN PENGHARGAAN	iv
	ABSTRAK	v
	ABSTRACT	vi
	KANDUNGAN	vii
	SENARAI JADUAL	xii
	SENARAI RAJAH	xiv
	SENARAI LAMPIRAN	xv

BAB I PENDAHULUAN

1.1	Pengenalan	1
1.2	Latar Belakang Kajian	3
1.3	Pernyataan Masalah	7
1.4	Objektif Kajian	9
1.5	Persoalan Kajian	10

1.6	Matlamat Kajian	10
1.7	Kepentingan Kajian	11
1.8	Skop Dan Limitasi Kajian	12
1.9	Kerangka Teori	12
1.10	Definisi Istilah	13

BAB II SOROTAN KAJIAN

2.1	Pengenalan	17
2.2	Kerja Dan Pekerjaan	18
2.3	Bidang Kerjaya	18
2.4	Pemilihan Kerjaya	21
2.5	Peranan Ibu Bapa Dalam Mempengaruhi Pemilihan Kerjaya Pelajar	24
2.6	Pengaruh Rakan Sebaya Dalam Pemilihan Kerjaya Pelajar	25
2.7	Pengaruh Media Massa Dalam Pemilihan Kerjaya Pelajar	26
2.8	Pengaruh Sekolah Dalam Pemilihan Kerjaya Pelajar.	27
2.9	Sumber Maklumat Kerjaya	28

BAB III METODOLOGI KAJIAN

3.1	Pengenalan	29
3.2	Rekabentuk Kajian	30
3.3	Populasi	31
3.4	Sampel Kajian	31
3.5	Instrumen Kajian	32
3.6	Kajian Rintis	35
3.7	Andaian Kajian	36

3.8	Limitasi Kajian	36
3.9	Prosedur Kajian	37
3.10	Pentadbiran Set Soal Selidik	38
	3.10.1 Pengedaran Set Soal Selidik	39
	3.10.2 Pengumpulan Set Soal Selidik	39
3.11	Analisis Data	40
	3.11.1 Kaedah Peratusan	40
	3.11.2 Analisis Skor Min	41
	3.11.3 Persempahan Data	42

BAB IV ANALISIS DATA DAN KEPUTUSAN

4.1	Pengenalan	43
4.2	Analisis Responden Bahagian A	44
	4.2.1 Jantina	45
	4.2.2 Keturunan	46
	4.2.3 Aliran Perdagangan Merupakan Bidang Pilihan	46
	4.2.4 Bidang Kerjaya Dalam Aliran Perdagangan Yang Ingin Diceburi	47
4.3	Analisis Bahagian B Dan D	48
4.4	Analisis Bahagian B: Maklumat Mengenai Kerjaya	58
	4.4.1 Maklumat Kerjaya Yang Diperolehi Daripada Kaunselor Di Sekolah	49
	4.4.2 Maklumat Kerjaya Yang Diperolehi Daripada Internet	50
	4.4.3 Maklumat Kerjaya Yang Diperolehi Melalui Media Cetak	50
	4.4.4 Maklumat Kerjaya Yang Diperolehi Melalui Rancangan Bimbingan Kerjaya	51



	Di Dalam Radio	
4.4.5	Maklumat Kerjaya Yang Diperolehi Setelah Mengikuti Kursus Kerjaya	51
4.4.6	Kursus Kemahiran Berterusan Di Tempat Kerja Adalah Penting Sebagai Sumber Maklumat Kerjaya	52
4.4.7	Purata Min Keseluruhan Bagi Bahagian B Iaitu Maklumat Mengenai Kerjaya	53
4.5	Analisis Deskriptif Bahagian C: Ciri-Ciri Kerjaya Pilihan	54
4.6	Analisis Bahagian D: Faktor-Faktor Yang Mempengaruhi Pemilihan Kerjaya	56
4.6.1	Faktor Ibu Bapa Dalam Pemilihan Kerjaya	57
4.6.2	Faktor Guru Dalam Pemilihan Kerjaya	59
4.6.3	Faktor Rakan Sebaya Dalam Pemilihan Kerjaya	62
4.6.4	Faktor Media Massa Dalam Pemilihan Kerjaya	64

BAB V PERBINCANGAN, RUMUSAN DAN CADANGAN

5.1	Pengenalan	67
5.2	Perbincangan Dan Rumusan	68
5.2.1	Maklumat Mengenai Kerjaya	68
5.2.2	Ciri-Ciri Kerjaya Yang Menjadi Pilihan	69
5.2.3	Faktor-Faktor Yang Mempengaruhi Pemilihan Kerjaya	70
1	Faktor Media Massa	70
2	Faktor Guru	71
.3	Faktor Rakan Sebaya	72
4	Faktor Ibu Bapa	72

5.3	Cadangan	73
5.3.1	Cadangan Untuk Kajian Lanjutan	74
5.4	Penutup	75
BIBLIOGRAFI		77
LAMPIRAN A		82
LAMPIRAN B		87
LAMPIRAN C		89
LAMPIRAN D		100



PTTA UTHM
PERPUSTAKAAN TUNKU TUN AMINAH

SENARAI JADUAL

NO. JADUAL	TAJUK	MUKA SURAT
3.1	Persolan Kajian Dan Item-Item Soal Selidik	33
3.2	Skala Pemeringkatan Likert	34
3.3	Ukuran Tahap Persetujuan Min Yang Telah Diubahsuai	41
4.1	Jumlah Peratusan bilangan Responden Mengikut Jantina	45
4.2	Jumlah Peratusan Keturunan Responden Mengikut	46
4.3	Responden	
4.3	Aliran Perdagangan Merupakan Bidang Pilihan	46
4.4	Bidang Kerjaya Dalam Aliran Perdagangan Yang Ingin Diceburi	47
4.5	Tafsiran Min Bagi Ukuran Tahap Kecenderung	48
4.6	Maklumat Kerjaya Yang Diperolehi Daripada Kaunselor Di Sekolah	49
4.7	Maklumat Kerjaya Yang Diperolehi Melalui Internet	50
4.8	Maklumat Kerjaya Yang Diperolehi Melalui Media Cetak	50
4.9	Maklumat Kerjaya Yang diperolehi melalui Rancangan Bimbingan Kerjaya Di Dalam Radio	51
4.10	Maklumat Kerjaya yang diperolehi Setelah Mengikut Kursus Kerjaya	51
4.11	Kursus Kemahiran Berterusan Di Tempat Kerja Adalah Penting Sebagai Sumber Maklumat Kerjaya	52
4.12	Purata Min Keseluruhan Maklumat Mengenai Kerjaya	53

4.13	Ciri-ciri Kerjaya Pilihan	54
4.14	Analisis Deskriptif Faktor Ibu Bapa	57
4.15	Analisis Deskriptif Faktor Guru	59
4.16	Analisis Deskriptif Faktor Rakan Sebaya	62
4.17	Analisis Deskriptif Faktor Media Massa	64



PTTA UTHM
PERPUSTAKAAN TUNKU TUN AMINAH

SENARAI RAJAH

NO. RAJAH	TAJUK	MUKA SURAT
1.1	Kerangka Teori Pemilihan Kerjaya	12
3.1	Prosedur Kajian	38



PTTA UTHM
PERPUSTAKAAN TUNKU TUN AMINAH

SENARAI LAMPIRAN

LAMPIRAN	TAJUK	MUKA SURAT
A	Borang Soal Selidik	82 - 86
B	Alpha Cronbach	87-55
C	Taburan Kekerapan	89 - 99
D	Min Keseluruhan	100 - 104



PTTA UTHM
PERPUSTAKAAN TUNKU TUN AMINAH



BAB 1

PENDAHULUAN

1.1 Pengenalan

Dalam sistem pendidikan kebangsaan, pendidikan teknik dan vokasional mempunyai peranannya yang tersendiri. Pada amnya, perkembangan sistem pendidikan teknik dan vokasional (PTV) di Malaysia bermula dengan penubuhan “Trade School” (Sekolah Pertukangan) pada tahun 1926 bagi tujuan pertukangan di Kuala Lumpur. Setelah “Trade School” mendapat sambutan yang baik, sekolah ini telah dikembangkan atau ditambah bilangannya di beberapa buah negeri. Antaranya ialah di Ipoh pada tahun 1930, diikuti oleh Johor Bahru pada tahun 1931 dan di Pulau Pinang pada tahun 1932.

Sekolah ini pada asasnya mengajar asas kemahiran pertukangan, baik pulih mesin, pendawaian elektrik dan pembinaan bangunan yang mana jangka masa kursus yang ditawarkan adalah selama tiga tahun. Selepas Perang Dunia Kedua, pemerintah British telah mengubah “Trade School” kepada “Junior Technical Trade School”

(Kementerian Pendidikan 1975) di mana daripada sudut kursus yang dijalankan tidak banyak berlakunya perubahan, cuma bagi syarat kemasukan sahaja dipinda. Pada tahun 1956 selepas dicadangkan oleh Laporan Razak, Institut Teknik ditubuhkan bagi meneruskan sistem persekolahan ini. Maka, inilah titik tolak kepada pendidikan teknik moden negara.

Pada tahun 1965, syarat memasuki Sekolah Menengah Rendah telah dimansuhkan. Pemansuhan ini adalah disebabkan oleh peningkatan permintaan persekolahan untuk anak-anak daripada ibubapa dan cadangan penambahan pendidikan teknik dan vokasional di peringkat menengah.

Pada tahun tersebut juga, pendidikan komprehensif telah diperkenalkan di mana semua pelajar akan mendapat pendidikan am dan diberikan juga penekanan teknik dan vokasional, perindustrian, perdagangan, pertanian atau sains rumah tangga (Kementerian Pendidikan, 1992). Namun begitu, peningkatan pelajar dalam persekolahan menengah berlaku dengan cepat pada tahun 60-an yang mana ia memberi tekanan kepada sistem sekolah menengah.

Oleh itu dalam Rancangan Malaysia Pertama, suatu dasar yang cuba untuk mempersiapkan tenaga kerja telah digariskan. Pelajar yang tamat persekolahan menengah dirancang dapat menceburi dunia pekerjaan. Oleh itu, pada tahun 1967, Sekolah Menengah Vokasional telah ditubuhkan bagi menggantikan “Trade School” (Kementerian Pendidikan, 1975) yang berterusan sehingga pada tahun 1995 di mana ianya telah digabungkan dengan Sekolah Teknik dan memakai nama Sekolah Menengah Teknik dan Vokasional.

Kewujudan aliran perdagangan dalam sistem pendidikan teknik dan vokasional ini telah dapat menyediakan kemahiran kepada para pelajar sebagai persediaan menghadapi dunia pekerjaan. Namun sejauhmanakah aliran perdagangan ini diperlukan atau mempunyai peluang dalam sektor pekerjaan pada masa kini?.

1.2 Latar Belakang Kajian

Hampir semua golongan belia yang terdiri daripada lepasan sekolah sehinggalah universiti bercita-cita untuk mendapatkan pekerjaan selepas menamatkan pengajian. Setiap tahun ratusan ribu lepasan sekolah dan institusi pendidikan tinggi memasuki pasaran pekerjaan. Mereka tidak ingin hidup menganggur kerana akan menyusahkan diri sendiri, keluarga dan masyarakat.

Ini diikuti oleh peredaran dalam dunia moden yang serba mencabar yang telah menyebabkan bidang pekerjaan amat penting kepada kebanyakan orang (Mohd Yahya & Roseliza, 2002). Pekerjaan yang menjadi pilihan seseorang individu bergantung kepada tujuan masing-masing seperti minat, mencari kepuasan diri, memperoleh sumber kewangan, memupuk sumber sokongan sosial, membina identiti dan harga diri, seterusnya memberi sumbangan kepada agama, bangsa dan negara. Bagi merealisasikan niat seseorang dalam pekerjaan ia memerlukan pembuatan keputusan yang tepat terhadap pemilihan kerjaya. Ini kerana pada hari ini, telah wujud kepelbagaiannya jenis kerjaya yang mendorong kepada peningkatan ekonomi negara.

Kepelbagaiannya jenis kerjaya juga dapat meningkatkan lagi sumber ekonomi negara dan sekaligus dapat meningkatkan taraf hidup rakyat. Oleh itu, jelaslah betapa pentingnya keperluan sumber manusia ini kepada pembangunan negara di mana ianya

turut merupakan satu cabaran besar kepada pendidikan teknik dan vokasional. Menurut pandangan Siti Maspiah dan Nor Azizah (1995) iaitu:

“Pendidikan teknik dan vokasional semakin penting dalam era pembangunan ekonomi dan sosial negara. Di mana-mana negara yang sedang pesat membangun, keperluan tenaga mahir dan separa mahir amat diperlukan bagi menentukan kesinambungan pembangunan negara. Ini kerana mereka adalah teras pembangunan”.

Walau bagaimanapun, kebanyakan golongan ini terutama pelajar-pelajar tingkatan empat (4) masih tidak memahami atau tidak tahu bagaimakah kaedah yang terbaik dalam mempersiapkan diri untuk melangkah ke dunia pekerjaan yang merupakan sesuatu yang asing bagi mereka. Oleh itu mereka perlu diberi bimbingan dan panduan dalam usaha pemilihan kerjaya. Bimbingan dan panduan yang betul tentunya akan membantu mereka dalam usaha membuat keputusan pemilihan kerjaya yang menjadi cita-cita, impian dan kemahiran setiap individu.

Proses kerjaya merupakan satu proses berterusan di mana individu melibatkan diri dalam satu siri pekerjaan yang boleh membantu kepada perkembangan peribadi terutamanya dalam bidang pekerjaan yang diceburi. Manakala pemilihan kerjaya adalah satu proses yang berterusan, bermula dari persepsi kanak-kanak terhadap dunia pekerjaan dan kemudiannya berkembang hingga ke peringkat remaja dan awal dewasa (Tolbert, 1974). Pelajar di sekolah menengah adalah kumpulan pelajar yang sedang berada di peringkat percubaan dalam menentukan kerjaya. Pelajar menggunakan minat, kebolehan dan pengetahuan yang mereka ada untuk membuat keputusan berkenaan pemilihan kerjaya. Menurut Srebalus (1982), pemilihan kerjaya mengutamakan faktor pengetahuan tentang diri dan pengetahuan tentang pekerjaan sebagai petunjuk pemilihan kerjaya.

Kajian kerjaya adalah kajian yang penting kerana ia dapat memberi gambaran arah aliran aspirasi pemilihan kerjaya pelajar. Perubahan pemilihan kerjaya ini sangat bergantung pada perubahan perkembangan semasa. Pada zaman gelombang kedua iaitu zaman perindustrian, telah banyak mempengaruhi pelajar di mana lebih ramai pelajar bercita-cita memilih pekerjaan yang berkaitan dengan industri tetapi apabila muncul era teknologi maklumat di abad ke-21, lebih ramai pelajar bercita-cita memilih pekerjaan yang berkaitan dengan teknologi maklumat.

Kemahiran dan pengetahuan yang tinggi dalam aliran perdagangan turut membuka laluan yang luas terutamanya dari segi peluang pekerjaan di masa hadapan kepada individu yang menceburi bidang ini. Ini dapat diperkuatkan lagi dengan perkembangan sektor perkhidmatan. Ini kerana, walaupun sesuatu perniagaan itu dilakukan berteraskan perkhidmatan namun ia tetap dapat mewujudkan peluang kerjaya kepada pelajar aliran perdagangan ini. Oleh itu, pendedahan yang lebih efektif perlulah dilakukan kepada generasi muda khususnya pelajar sekolah tingkatan empat (4) bagi mengasah bakat, minat dan personaliti. Menurut Hushim Salleh (2003), pelajar perlu menyemai cita-cita selepas tingkatan tiga (3) iaitu selepas tamat peperiksaan Penilaian Menengah Rendah (PMR) kerana pelajar akan menjurus kepada bidang tertentu seperti sains tulen, sastera atau perdagangan.

Minat yang pelbagai di dalam berbagai bidang menyebabkan pelajar berkenaan tidak dapat mengakat dengan baik antara minat, bakat dan sahsiah mereka di dalam memilih kerjaya yang bersesuaian. Peluang kerjaya juga tidak terhad di sektor awam dan swasta sahaja malah peluang juga terbuka luas bagi pelajar-pelajar menceburkan diri dalam bidang keusahawanan.

Berdasarkan teori Ginzberg (1966), pelajar pada umur 13 hingga 18 tahun adalah berada di peringkat percubaan dan akan memasuki peringkat awal dewasa. Peringkat ini merupakan satu peringkat yang penting kerana di akhir peringkat ini pelajar-pelajar terpaksa membuat keputusan dan perancangan kerjaya yang besar kemungkinan akan mempengaruhi perkembangan kerjaya selanjutnya.

Menurut Slocum (1980), dalam pemilihan kerjaya terdapat empat (4) faktor yang mempengaruhi tindakan seseorang individu. Faktor-faktor tersebut ialah :-

- i. Pembolehubah-pembolehubah personal seperti kebolehan, minat, jantina, umur, ciri-ciri fizikal dan sejarah hidup seseorang.
- ii. Sosial dan budaya seperti nilai-nilai masyarakat, pra syarat dan peluang-peluang pekerjaan.
- iii. Hubungan inter-personal dengan individu individu lain.
- iv. Nilai-nilai rujukan seperti keluarga, rakan sebaya dan guru.

Tolbert (1974), pula berpendapat bahawa pendedahan terhadap faktor-faktor yang mempengaruhi pemilihan kerjaya adalah penting, terutama di kalangan pelajar-pelajar kerana ia boleh menolong mereka menerokai bidang-bidang kerjaya yang sesuai baginya.

Oleh yang demikian, maklumat yang diterima dan faktor-faktor yang mempengaruhi pemilihan kerjaya seseorang pelajar khususnya pelajar aliran perdagangan sekolah menengah teknik dapat membantu mereka membuat keputusan pemilihan kerjaya (Mohd Yahya Mohamad et.al.,2002). Oleh itu, kajian kes ini dibuat bagi mengkaji pilihan kerjaya di kalangan pelajar aliran perdagangan sekolah menengah teknik.

1.3 Pernyataan Masalah

Negara kita Malaysia yang semakin pesat membangun amat memerlukan sumber manusia yang dapat digunakan dalam pelbagai sektor termasuk perkhidmatan, perindustrian, perusahaan, pengangkutan, perubatan, komunikasi, teknologi maklumat dan pertanian sama ada di sektor awam maupun swasta.

Oleh itu, ia memerlukan seseorang pelajar itu agar dapat membuat keputusan yang tepat dalam pemilihan kerjaya. Pemilihan kerjaya merupakan aspek penting dalam kehidupan pelajar bagi menentukan hala tuju corak kehidupan pada masa depan. Pemilihan kerjaya yang bersesuaian dengan diri pelajar serta memenuhi citarasa pelajar bukanlah sesuatu yang mudah. Jelaslah di sini bahawa adalah penting untuk seseorang individu membuat pemilihan kerjaya yang paling sesuai untuk dirinya kerana kerjaya yang diceburi banyak menyumbang kepada kepuasan hidup masa hadapan. Kepuasan dengan pekerjaan yang diceburi telah dikaitkan dengan beberapa perkara seperti penurunan kadar penyakit fizikal, peningkatan tahap kesihatan mental (Cohen, 1984), melahirkan perasaan optimistik dan gembira serta perasaan dipunyai atau dimiliki oleh kumpulan tertentu serta meningkatkan harga diri seseorang individu (Anerbach & Grambling, 1998).

Semua kerjaya yang ada di pasaran buruh memerlukan kelayakan akademik yang sesuai. Dalam proses menuju ke arah negara industri, Malaysia memerlukan ramai pekerja yang mahir dalam bidang teknik dan vokasional serta bidang perdagangan. Menurut Sharil et.al.(1993), aliran teknik dan vokasional adalah bertujuan melahirkan pelajar yang cenderung kepada bidang kemahiran teknikal di mana kursus yang ditawarkan adalah bagi membolehkan mereka mendapat pekerjaan sebagai gunatenaga mahir dan separuh mahir khususnya dalam sektor perindustrian, perdagangan, dan perkhidmatan.

Kerajaan juga memberi penekanan yang tinggi terhadap pembangunan sumber manusia kerana kerajaan menganggap bahawa rakyat itu sendiri merupakan aset yang paling penting kepada negara. Namun hal ini kurang disedari oleh para pelajar aliran perdagangan kerana kurangnya pendedahan maklumat mengenai kerjaya sebagaimana menurut Loyd dan Aminah (1987) yang menyatakan bahawa pelajar harus diberikan maklumat penting mengenai kerjaya.

Menurut Issacson (1971) dalam Mizan Adiliah, 2003 maklumat kerjaya ialah bahan dan informasi mengenai dunia pekerjaan yang sah, tepat dan boleh digunakan oleh seseorang individu bagi membantu mereka dalam mencari pekerjaan. Maklumat ini juga membimbing individu dalam membuat keputusan berhubung dengan pemilihan kerjaya. Kekurangan maklumat mengenai kerjaya juga menyebabkan para pelajar lambat merebut peluang pekerjaan yang ada di pasaran. Ini kerana maklumat kerjaya masih belum disebarluaskan dan diwar-warkan secara meluas, efektif dan berterusan baik di sekolah mahupun institusi-institusi pengajian tinggi.

Lazimnya para pelajar hanya akan memikirkan masa depan selepas menamatkan alam persekolahan pada peringkat Sijil Pelajaran Malaysia (SPM) atau Sijil Tinggi Pelajaran Malaysia (STPM). Sesudah mendapat keputusan, barulah terfikir untuk berjumpa orang-orang yang lebih berpengalaman untuk bertanya dan mendapat maklumat kerjaya. Jika beginilah situasinya, para pelajar akan menghadapi masalah memilih kerjaya yang bakal diceburi apabila melangkah ke alam dewasa. Lantaran itu, adalah diharapkan para pelajar mengambil langkah awal membuat perancangan kerjaya dan mengumpul maklumat berkaitan dengan kerjaya yang hendak diceburi.

Memandangkan pemilihan kerjaya ini merupakan persoalan yang amat penting kepada pelajar, maka pendedahan kepada jenis dan bidang kerjaya adalah sangat diperlukan kerana banyak perkara yang boleh mempengaruhinya. Crites (1969), menekankan tentang faktor-faktor persekitaran yang mempengaruhi proses pemilihan kerjaya. Antaranya ialah :-

- i. Persekutuan termasuk keluarga, sekolah dan media massa
- ii. Komuniti termasuklah rakan sebaya dan kumpulan etnik.

Justeru itu, dalam kajian kes ini penyelidik ingin mengkaji faktor-faktor yang mempengaruhi pemilihan kerjaya pelajar, maklumat mengenai kerjaya dan ciri-ciri kerjaya yang menjadi pilihan mereka.

1.4 Objektif Kajian

Dalam kajian yang dijalankan, penyelidik telah menetapkan beberapa objektif kajian untuk memandu penyelidik bagi menghasilkan dapatan kajian yang bermakna. Antara objektifnya ialah :-

1. Mengenalpasti sama ada maklumat mengenai kerjaya dapat membantu responden dalam pemilihan kerjaya.
2. Mengenalpasti ciri-ciri kerjaya yang menjadi pilihan responden.
3. Mengetahui faktor-faktor seperti peranan ibu bapa, rakan sebaya, media massa dan pihak sekolah dalam mempengaruhi pemilihan kerjaya pelajar.

1.5 Persoalan Kajian

Kajian ini dijalankan untuk menjawab beberapa persoalan seperti berikut :-

1. Sejauhmanakah maklumat mengenai kerjaya dapat membantu dalam pemilihan kerjaya?
2. Apakah ciri-ciri kerjaya yang menjadi pilihan di kalangan responden?
3. Apakah faktor-faktor yang mempengaruhi pemilihan kerjaya responden?

1.6 Matlamat Kajian

Dalam kajian kes yang dijalankan oleh penyelidik ini, matlamat kajian kes ini adalah untuk mengenalpasti beberapa perkara yang dihadapi oleh pelajar aliran perdagangan sekolah menengah teknik dalam pemilihan kerjaya dan penyelidik memberi beberapa cadangan pembaikan.

1.7 Kepentingan Kajian

Kepentingan bagi kajian ini adalah :-

Pelajar

Kajian ini dijalankan khusus untuk manfaat para pelajar aliran perdagangan dalam pemilihan kerjaya yang boleh diceburi selepas tamat pengajian.

Guru Bimbingan Kaunseling dan Guru Matapelajaran

Hasil kajian ini diharapkan dapat membantu guru-guru membimbing pelajar-pelajar ke arah membina hala tuju kerjaya yang akan dipilih di masa depan. Guru matapelajaran juga diharapkan dapat memberi maklumat tentang kepentingan matapelajaran tersebut kepada pekerjaan yang dipilih.

Sekolah

Hasil kajian ini diharapkan dapat membantu pihak sekolah menggiatkan usaha dalam menyalurkan maklumat-maklumat kerjaya kepada pelajar. Di samping itu kajian ini juga boleh memberi bimbingan kepada pihak sekolah dalam mengenalpasti keperluan dan persediaan awal pelajar sebelum menempuh alam pekerjaan.




1.8 Skop dan Limitasi Kajian

Kajian ini merupakan kajian berkenaan dengan pemilihan kerjaya di kalangan pelajar-pelajar aliran teknik dan vokasional di sebuah Sekolah Menengah Teknik Kajang, Selangor Darul Ehsan. Sampel kajian ini adalah seramai 36 orang pelajar.

Kajian ini juga terbatas hanya kepada pelajar-pelajar aliran perdagangan di tingkatan 4 sahaja, di Sekolah Menengah Teknik Kajang.

1.9 Kerangka Teori



Rajah 1.1 : Kerangka Teori Pemilihan Kerjaya

Dipetik daripada Mazlina (2002) dan diubahsuai oleh penyelidik mengikut kesesuaian kajian kes.

1.10 Definisi Istilah

1. Pemilihan Kerjaya

Pemilihan kerjaya merupakan proses perkembangan. Ia bukan satu keputusan tetapi satu siri aktiviti membuat keputusan dalam jangka waktu tertentu. Setiap keputusan itu pula mempengaruhi keputusan selanjutnya (Ginzberg.E, at. al,1966)

2. Kerjaya

Kerjaya adalah satu rangkaian pekerjaan atau pengalaman yang dilakukan oleh seseorang itu dalam jangka masa tertentu bagi menjalankan tanggungjawabnya. Kerjaya yang dimaksudkan dalam kajian ini adalah kerjaya dalam bidang perdagangan di sektor pekerjaan.

3. Maklumat kerjaya

Maklumat kerjaya yang dimaksudkan dalam kajian ini ialah bahan yang sah dan berguna tentang pekerjaan keseluruhannya, di mana ia sebagai panduan yang membantu individu pencari pekerjaan.

4. Pelajar

Pelajar adalah penuntut atau orang yang memperdalamkan pengetahuannya tentang sesuatu bidang ilmu. Dalam kajian kes ini, pelajar yang dimaksudkan ialah pelajar-pelajar tingkatan 4 sekolah menengah teknik.

5. Aliran Perdagangan

Aliran perdagangan merupakan salah satu cabang aliran teknikal dalam pendidikan teknik dan vokasional yang dilengkapi dengan asas-asas perdagangan. Ia diterapkan melalui subjek-subjek tertentu

6. Pendidikan Teknik

Pendidikan yang bertujuan untuk menyediakan pelajar yang cenderung kepada bidang teknik di peringkat pendidikan menengah atas bagi membolehkan mereka melanjutkan pelajaran ke peringkat tinggi dalam bidang teknik. Selain itu bidang ini juga membolehkan pelajar mendapat pekerjaan di sektor teknikal, perindustrian dan perdagangan. Objektif pendidikan teknik adalah untuk memberi pendidikan akademik yang seimbang dan menyediakan pendidikan asas dalam bidang sains dan teknologi kepada pelajar yang mempunyai kecenderungan dalam bidang tersebut.



BAB 2

SOROTAN KAJIAN

2.1 Pengenalan

Pembangunan negara yang pesat dalam bidang teknologi hari ini merupakan salah satu cabaran yang terpaksa ditempuhi oleh rakyat negara kita. Namun begitu, segala cabaran tersebut hanya dapat di atasi sekiranya negara dapat melahirkan golongan yang berkemahiran dalam bidang perdagangan, perkhidmatan, perindustrian, teknologi dan sebagainya. Ini disebabkan oleh kemahiran yang diperlukan bagi seseorang pekerja dalam sesuatu bidang kerjaya. Justeru itu adalah amat penting untuk memastikan pengetahuan dan kemahiran yang diperolehi oleh pelajar dalam aliran perdagangan di sekolah menengah teknik dapat memenuhi permintaan sumber tenaga kerja di masa depan.

2.2 Kerja Dan Pekerjaan

Bekerja merupakan salah satu daripada ciri kehidupan sebahagian besar manusia. Malah, pekerjaan merupakan persoalan utama yang mendapat perhatian dari setiap individu dalam masyarakat perindustrian moden sekarang. Boleh dikatakan sebahagian besar masa seseorang itu digunakan untuk melengkapkan diri sebelum memasuki dunia pekerjaan.

Pekerjaan menurut Arifin Hj. Zainal (1985), sebagai sebarang usaha bermatlamat oleh manusia untuk mengubahsuai persekitaran fizikal mereka. Manakala menurut Smith (1985) pula di dalam bukunya *Introduction To Industrial Psychology* mengatakan bahawa pekerjaan merupakan pertukaran kebolehan fizikal dan mental seseorang untuk hidup adalah pekerjaan, dan menurutnya lagi matlamat akhir pekerjaan ialah untuk hidup. Menurut *A Dictionary of Psychology* oleh James Drever (1976), pekerjaan adalah aktiviti yang serius dalam dunia nyata yang mempunyai nilai yang jelas, yang juga berbeza dengan aktiviti bermain.

2.3 Bidang Kerjaya

Bidang kerjaya yang boleh diceburi oleh pelajar adalah pelbagai mengikut keperluan pada masa kini. Kepelbagaian dalam bidang kerjaya ini telah membawa kepada kepelbagaian dalam pekerjaan juga. Dengan itu untuk memilih bidang kerjaya yang sesuai, maka pemilihan boleh dibuat berdasarkan minat, kecenderungan, kelayakan psikologi individu dan beberapa aspek lain. Secara

amnya, menurut Hushim Salleh (2003) kombinasi minat, kebolehan dan pengaruh suasana semasa adalah faktor utama dalam pemilihan sesuatu kerjaya. Secara umum, terdapat lapan bidang kerjaya utama dan beberapa contoh pekerjaan yang disenaraikan mengikut bidang-bidang kerjaya ini (Chek Mat, 2003).

I. Bidang kewangan atau perniagaan atau harta tanah.

(Mempunyai kecenderungan dengan kerja-kerja jualan, kewangan dan perniagaan, suka bergaul dan mempengaruhi orang lain)

- Akauntan, Pengurus Bank, Perancang dan Pengurus Kewangan, Eksekutif Jualan, Pengurus Pengiklanan, Penganalisis Data, Perancang Koporat, Pengurus Produk dan Pengurus Kualiti.

II. Bidang keusahawanan.

(Mempunyai kecenderungan untuk bekerja sendiri dengan menjalankan perniagaan dan perusahaan)

- Perniagaan kecil-kecilan, Perusahaan Kilang, Pemborong, Kontraktor, Pengusaha Hotel, Perusahaan Bengkel, Pengedar dan Perusahaan Batik.

III. Bidang perkhidmatan dan profesional.

(Mempunyai kecenderungan untuk melakukan kerja-kerja sosial atau melibatkan orang lain)

- Pensyarah/Guru, Pegawai Perhubungan Awam, Peguam, Pendakwaraya, hakim, Askar/Polis, Pemandu Pelancong, Pramugari/Pramugara, Tukang Masak Professional, Kaunselor dan Pustakawan.

IV. Bidang teknikal.

(Mempunyai minat untuk mengendali, mereka bentuk, mereka cipta, membina atau membaiki mesin dan bidang teknikal yang berkaitan)

- Arkitek, Juruteknik, Mekanik, Pakar Runding, Jurutera (Elektronik/Elektrik/. Awam) dan Perancang Bandar Dan Wilayah.

V. Bidang penulisan dan komunikasi

(Mempunyai minat dalam bidang penulisan, sastera dan seni)

- Wartawan, Editor, Pengacara Radio atau Televisyen, Jurubahasa, Penterjemah, Penulis Skrip, dan Perunding Komunikasi.

VI. Bidang pekeranian dan pentadbiran.

(Mempunyai kecenderungan untuk melakukan tugas berkaitan pentadbiran, kesetiausahaan dan merekod maklumat)

- Setiausaha, Kerani, Pegawai Sumber Manusia, Pegawai Tadbir, dan Pengurus Perjawatan.

VII. Bidang saintifik atau perubatan

(Mempunyai minat dalam penyelidikan dan mempunyai kaitan dengan sains dan masyarakat)

- Doktor (am/ bedah/ gigi/ mata/ pakar), Jururawat, Ahli Biologi, Saintis dan Pakar Nuklear.

VIII. Bidang seni reka dan kreativiti.

(Mempunyai kecenderungan untuk melukis, mercka dan mencipta bahan-bahan seni dan kreatif)

- Pelukis, Pereka Fesyen/ Barang Kemas/ Seramik dan sebaginya, Pelukis Grafik, Jurugambar, Juru Solek dan Pereka Bentuk Dalaman.

Pelung untuk menceburi sesuatu pekerjaan bagi pelajar-pelajar aliran perdagangan ini terbuka luas. Dengan itu pelajar-pelajar perlulah bijak dalam menentukan bidang kerjaya yang betul agar dapat memberi manfaat dan kepuasan diri dalam melakukan pekerjaan tersebut.

Walau bagaimanapun menurut Sidek (2003), manusia dikategorikan kepada enam kelompok berlainan yang berdasarkan jenis personaliti iaitu realistik, penyelidikan, artistik, sosial, keusahawanan dan konvensional. Kategori ini adalah berdasarkan teori Holland. Maka dengan itu, pelajar-pelajar bukan sahaja perlu mengetahui bidang kerjaya yang sesuai dengan mereka tetapi mereka juga perlu menyuaipadankan minat, jenis personaliti dan jenis pekerjaan yang ingin diceburi.

2.4 Pemilihan Kerjaya

Kerjaya dan minat kerjaya merupakan dua elemen yang berbeza. Kerjaya bukan sekadar tempoh seseorang menyandang sesuatu pekerjaan, malahan ia meliputi tempoh persekolahan sehingga seseorang mencapai tempoh persaraannya. Super (1957), menyatakan bahawa kerjaya diambil kira daripada persediaan-persediaan sebelum seseorang menceburkan dirinya dalam alam pekerjaan sehingga peranan-peranan yang dilakukannya dalam tempoh persaraan. Seseorang itu akan terpaksa membuat pilihan berdasarkan kepada faktor-faktor tertentu sebelum menjawat sesuatu jawatan yang dilihat sebagai kerjaya. Menurut Weinrach (1979), lagi proses ini dihuraikan di dalam satu siri peringkat hidup yang merangkumi:



- i. Peringkat Pertumbuhan (sejak lahir hingga 14 tahun).

Ia merupakan peringkat pertumbuhan fizikal dan psikologi. Individu mula membina sikap dan tingkah laku yang menjadi unsur-unsur konsep kendirinya. Pengalamannya dijadikan asas pengetahuannya semasa membuat pilihan tentatif dan muktamad di dalam dunia pekerjaan.

- ii. Peringkat Penerokaan (15-24 tahun).

Individu mula menyedari kepentingan pekerjaan di dalam hidupnya.

Peringkat ini meliputi tiga tahap, iaitu :

- Fantasi – pilihan pekerjaan biasanya tidak realistik dan berkait rapat dengan permainan individu. Pemilihan ini hanya bersifat sementara.
- Tentatif – individu akan sedaya upaya cuba menghadkan dan mengurangkan alternatif pilihannya kepada beberapa kemungkinan sahaja berdasarkan kemampuan dan peluang pekerjaan yang diketahui.
- Realistik – individu akan hanya memilih pekerjaan yang paling sesuai difikirkan dengan nilai dan masyarakat.

Pada tahap ini menurut Hushim Salleh (2003), remaja cenderung berfantasi dan memasang angan-angan yang kadang kala tidak rasional. Tetapi selepas melewati usia 15 tahun mereka akan menyedari hakikat sebenar dan mula berusaha mengejar cita-cita idaman.

iii. Peringkat Pengukuhan (25-44 tahun).

Di peringkat ini, individu akan melakukan beberapa percubaan untuk memastikan jenis pilihan dan keputusan yang dibuatnya. Seseorang akan menjadi lebih stabil dan terjamin selepas dia memperolehi pengalaman dan kemahiran yang semakin bertambah. Individu akan memilih pekerjaan yang paling sesuai dan yang memberikannya keputusan yang terbaik.

iv. Peringkat Pengekalan (45-64).

Individu akan cuba memperbaiki keadaan pekerjaannya kepada yang lebih baik pada peringkat ini. Seseorang itu akan terus berusaha untuk mencapai kepuasan daripada pekerjaannya dan cuba mengubahsuaikan segala perasaan tidak selesa.

Noor Suriani (2000) dalam kajiannya, mengatakan bahawa pemilihan kerjaya sangat penting , maka pendedahan kepada jenis dan bidang kerjaya adalah sangat diperlukan kerana banyak perkara yang boleh mempengaruhinya. Ini juga dapat dilihat dalam dapatan kajian Sidek (2003) yang menyatakan bahawa pemilihan kerjaya adalah sangat penting dan ujian-ujian tertentu boleh dilakukan bagi membolehkan pelajar membuat keputusan kerjaya yang tepat. Maka dalam kajian kes ini, penyelidik melihat ciri-ciri pemilihan kerjaya yang dibuat oleh pelajar aliran perdagangan sekolah menengah teknik. Selain itu penyelidik ini juga ingin melihat apakah faktor-faktor yang mempengaruhi pemilihan kerjaya pelajar seperti peranan ibubapa, pihak sekolah, rakan sebaya dan pengaruh media massa.

2.5 Peranan Ibu Bapa Dalam Mempengaruhi Pemilihan Kerjaya Pelajar

Menurut Roe (1969), terdapat tiga sikap ibu bapa iaitu penerimaan ibu bapa terhadap idea dan pendapat anak-anak, pemusatan ibu bapa terhadap pemilihan kerjaya anak-anak dan pengabaian ibu bapa terhadap anak-anak ada kaitannya dengan pemilihan kerjaya dalam bidang-bidang tertentu. Menurut teori ini, ibu bapa menciptakan satu sikap psikologi yang tertentu mengikut cara mereka memuas atau mengecewakan keperluan-keperluan anak-anak semasa kecil. Selain daripada teori yang dikemukakan oleh Roe (1969), Ginzberg (1966) dan Super (1957) juga telah mengemukakan teori-teori mereka mengenai perkembangan pekerjaan dan pemilihan pekerjaan anak-anak banyak dipengaruhi oleh pengaruh ibu bapa. Sebagai contoh, satu arah perhatian ibu bapa dalam memperkembangkan asas sama ada ke arah pekerjaan berorientasikan perhubungan manusia atau ke arah pekerjaan yang berorientasikan mesin dan jentera. Maka, ini akhirnya akan menghasilkan corak minat yang tertentu yang dapat diramalkan dalam kehidupan dewasa kelak yang ada bersangkutan dengan sesuatu bidang yang ia suka. Seterusnya Roe (1969) dalam Noor Suriani (2000) telah membuktikan bahawa sekiranya ibu bapa bersikap tolak ansur, maka anak mereka cenderung ke arah urusan kerjaya sosial dan hal-hal urusniaga.

Terdapat pengaruh ibu bapa dalam pemilihan kerjaya anak-anak, keluarga (selain dari ibu bapa) juga tidak ketinggalan memainkan peranan dalam mempergaruhi pemilihan kerjaya pelajar. Walau bagaimanapun pengaruh ibu bapa dan keluarga ke atas pemilihan kerjaya mempunyai impak positif dan negatif. Menurut Utton (1962), remaja perempuan lebih cenderung dipengaruhi oleh ahli keluarga berbanding remaja lelaki.

BIBLIOGRAFI

Aminah Hj. Hashim & Arthur P. Lloyd (1995). *Bimbingan Dan Kaunseling Dalam Pendidikan*. Kuala Lumpur: Federal Publication.

Anerbach, S.M & Grambling, S.E (1998). *Stress Management:Psychology Foundation*.Upper Saddle, River NJ: Prentice Hall Inc.

Arthur P. Lloyd & Aminah Hj Hashim (1987). *Bimbingan Dan Kaunseling Malaysia*. Dewan Bahasa Dan Pustaka. Kuala Lumpur.

Ariffin Hj. Zainal (1985). *Pekerja Dan Pekerjaan: Pendekatan Psikologi Personel*. Kuala Lumpur: Penerbit Fajar Bakti Sdn. Bhd.

Azhani Hasibah Ab. Karim (2002). *Pemilihan Kerjaya Dalam Seni Reka Fesyen: Satu Tinjauan*. KUITTHO. Tesis Sarjana Tidak Diterbitkan.

Chek Mat (2000). *Pengurusan Kerjaya*. Kuala Lumpur: Utusan Publication & Distributor Sdn. Bhd.

Cohen, B.F.G (1984). "Organizational Factors Affecting Stress in The Clerical Workers". Amsterdam: Elsevier.

Cohen, L. & Manion, L. (1985). *Research Methods in Education*. London: Croom-Helm.

Crites J.D (1969). *Vocation Psychology: The Study of Vocational Behaviour and Development*. London: McGraw-Hill.

Ginzerberg,E, et.al (1966). "Occupational Choice: An Approach To A General Theory". New York.

James Drever (1976). "A Dictionary Of Psychology". Boston: Hounton, Mufflin.

Kembek Bt. Ramlee (2003). Modul Pembelajaran Kendiri (MPK) Bagi Matapelajaran Perakuanan Kewangan II Dalam Tajuk Perkongsian I Untuk Pelajar Kursus Diploma Akuntasi Semester 3 Di Politeknik Ungku Omar. KUiTTHO. Tesis Sarjana Tidak Diterbitkan.

Kementerian Pendidikan Malaysia (1975). Laporan Jawatankuasa Kabinet. Kuala Lumpur.

Kementerian Pendidikan Malaysia (1992). Laporan Jawatakuasa Kabinet. Kuala Lumpur.

Khalid Johari (2003). Penyelidikan Dalam Pendidikan: Konsep & Prosedur. Pearson Malaysia Sdn. Bhd. Selangor Darul Ehsan.

Malhotra, N.K (1996). Marketing Research : An Applied Orientation.2nd Edition. United States: Prentice Hall Inc.

Mazlina Bt. Harun.(2002). Peluang Kerjaya Lepasan SPMV Dalam Bidang Elektrik Dan Elektronik Di Sektor Industri Bagi Menghasilkan Carta Aliran Kerjaya: Satu Kajian Di Tiga Buah Kilang Di Daerah Batu Pahat, Johor. KUiTTHO. Tesis Sarjana Tidak Diterbitkan.

Mizan Adiliah Ahmad Ibrahim et. al. (2003). Pelaksanaan Perkhidmatan Bimbingan Dan Kaunseling Di Sekolah. Kuala Lumpur: Cerdik Publications Sdn. Bhd.

Mohamad Najib Abdul Ghafar (1999). Penyelidikan Pendidikan. Penerbit Universiti

Teknologi Malaysia. Johor Darul Takzim.

Mohamad Salleh Lebar (1999). Memahami Psikologi. Thinker's Library Sdn. Bhd.
Selangor Darul Ehsan.

Mohd Yahya Mohamed Ariffin & Roseliza Murni Ab. Rahman (2002). Melangkah
Ke Dunia Pekerjaan. Utusan Publication & Distributors Sdn. Bhd. Kuala Lumpur.

Noor Suriani Bt. Nazaruddin (2000). Pemilihan Kerjaya di Kalangan Pelajar Sekolah
Menengah Di Batu Pahat. KUiTHHO. Tesis Sarjana Tidak Diterbitkan.

Roe, Anne .(1969). "The Psychology Of Occupations.". New York, John Wiley &
Sons.

Shahril @ Charil Marzuki, Zainun Ishak, Lee Pau Wing dan Dr. Saedah Hj. Siraj
(1993). "Pendidikan Di Malaysia." Terbitan Pertama. Utusan Publication &
Distributors Sdn. Bhd. Kuala Lumpur.

Siti Maspiah dan Nor Azizah (1995). Kertas Kerja Panduan Pelaksanaan Perkhidmatan
Bimbingan Dan Kaunseling Di Sekolah Menengah. Kuala Lumpur.

Sivasamboo,K. (1987). Pengaruh Ibu Bapa Dalam Pemilihan Pekerjaan" dalam Aminah
Hj. Hashim & Arthur P. Lloyd (1995). Bimbingan Dan Kaunseling Dalam
Pendidikan. Kuala Lumpur: Federal Publication.

Slocum W. L. (1980). "Occupational Careers: A Sociological Perspective". Chicago:
Aldine Publishing Company.

Smith, W (1985). "Introduction To Industrial Psychology". New Jersey : Prentice Hall.
Inc.

Srebalus, G. (1982). "Career Development Concepts And Procedures". Monterey, California Broks Cole Publishing Co.

Super D.E (1957). The Psychology of Careers. New York: Harper and Row Publisher Co.

Tolbert, E. L. (1974). "Counselling For career Development". Boston: Houghton Miflin Company.

Utton, A.C.(1962). "Recalled Parent-Child Relations As Determinants Of Vocational Choice". Journal Of Counseling Psychology. Vol 9, m.s 49-53.

Wan Intan Mohamad (1987). Faktor-Faktor Yang Mempengaruhi Pilihan Kerjaya. Universiti Putra Malaysia: Tesis Sarjana Tidak Diterbitkan.

Weinrach, G.S. (1979). " Career Counseling: The Theoretical and Practical Perspectives. New York : McGraw-hill book Co.

Zaidatun Tasir & Mohd Salleh Abu (2003). Analisis Data Berkomputer SPSS 11.5 for Windows. Venton Publishing. Kuala Lumpur.

Zikmund W. G. (2003). "Business Research Methods." 7th.ed. South Western, Thomson Learning.

INTERNET

Hushim Salleh (2003). Sebab-Sebab Memilih Pekerjaan. Diakses dari <http://www.edu.usm.my/education/Kaunseling/tips/kerjaya-sebab%20memilih.doc>. 19 Februari 2004.

Sidek Mohd Noah (2003). Penggunaan Ujian Psikologi Dalam Pemilihan Kerjaya. Diakses dari <http://web.uum.edu.my/p2k/ujian>. 19 Februari 2004.



PTTA UTHM
PERPUSTAKAAN TUNKU TUN AMINAH